

陝西府縣志輯

中國地方志叢刊

光緒岐山縣志
民國岐山縣志

陝西府縣志輯 ③③

岐山新志序

余觀夫詩書之所載傳記之所錄凡賢士大夫之有造於民者必先舉其山川之險易土田之肥磽物產之盈虛戶口之增減一一熟悉其所以然而後舉而措之有餘裕焉未有費然於此數端而得厠名循吏之傳者也光緒癸未年奉

命出守鳳翔一時同舟諸君子類皆能留心民

岐山縣志

新序

瘼實事求是岐令胡君鴻賓少長於相

如子雲之鄉沐浴先達之遺風其於詩書

傳記之所稱固已既聞而博覽之矣洎同

治之初從戎關隴轉運岐郿間時雖軍書

旁午而君所涉歷之處凡山川土田之

廣輪物產戶口之消息無不默識之於心

以爲他日有用之學旣而軍事解嚴後

君題補岐邑令於是卽其向之所默識者

證之以耆老之所陳徵之以文獻之所紀

興廢舉墜因時制宜越數載民氣以和頌

聲大作乃從事於志乘之書取前令郭君

之舊編芟蕪繁蕪補苴罅漏凡自乾隆至

今百有餘年賢士大夫之所設施與君

之所爲興利而除弊者皆粲然以具焉旣

脫稿則以書來言曰岐志之不修也久矣

軍興以來忠義士民節烈婦女尤不可以

岐山縣志

新序

二

無傳爰採訪蒐集以成是編自愧無文惟

紀實也余嘉君之志在於闡揚忠烈激

厲風俗而非徒矜纂組之華逞丹鉛之辨

也亟取而讀之其敘次也簡而明其評論

也公而恕有一事之長輒津津道之不去

口其偶涉於不韙者則畧之而不具書固

存厚之道歟抑邑志之與國史其體例固

不能盡同也若夫附天文於地理之篇錄

藝文於各卷之後一懼其泛而難徵一欲其彙而易核善哉其於阮亭之所云文簡事覈訓詞爾雅者蓋庶幾矣余向者知君之有良吏才而不知君之有良史才也然則世之有事於民社者非熟悉其山川之險易土田之肥磽物產之盈虛戶口之增減固不足以爲良吏亦非熟悉其山川之險易土田之肥磽物產之盈虛戶口

之增減並不足以爲良史也余嘉胡君之有造於岐之民而卽有以匡余之不逮也爰濡筆而爲之序

峇

光緒歲次旃蒙作噩壯月上澣知鳳翔府事愚弟蘇完熙年夢錫甫拜撰



重修岐山縣志敘

岐處鳳郡西爲周室發祥地卷阿周原甘棠鳴鳳諸勝雜見經史秦漢以降世代迭更疆域沿革亦各不同讀書稽古之士渡雍渭而訪召亭睹山川人物餘韻流風慨然想見古人盛治感嘆興懷然則岐不甚賴有志哉光緒四年春余承乏是邦甫下車哀鴻滿地嗷嗷待哺目擊心傷思爲賑

撫計而山原川隰墟落茫然急索志閱之辨方別里次第授食岐人得賴以安自後凡民生所繫政治所關恒取資於志按岐志創自前明韓君廷芳于君邦棟續之其書弗傳

國朝順治初王君穀乾隆間郭君履恒相續成書蒐羅博雅義例詳明予小子復何議焉雖然志者史之遺也國不能一日無史邑

朝廷厚澤深仁培養所至而扶翼剛常廉頑立
懦謂非風俗之裨益歟余忝爲長吏聽其
氓沒咎烏能辭今幸關隴肅清歲豐民悅

自敘

拾遺補闕舍此更復何時爰與邦人士分
門別類博採周諮復延屯田張君震溪編
次甲乙公退之餘相與商訂閱六月而成
書無濫無隱可信可徵凡嘉道以來人才
消長民數盈虛政治得失與夫風俗移易
時運盛衰皆得與古昔並傳閱是編者亦
足資勸懲而昭法戒又豈徒攬山川懷往
聖歌咏風景已哉若遷董之良班范之法

余生也魯未嘗學問惟望後之君子訂而正焉是則余之厚幸也夫

大清光緒十年歲在甲申嘉平月上澣之吉日知縣事西蜀鴻賓胡昇猷撰

自敘

三

重修岐山縣志敘

或曰志者史之一體也邑有志猶國有史
邑志乃史之全體也何者上古結繩無所
謂志書契肇興卽有紀載攝提循蜚荒乎
邈矣

孔子刪贊於易言包犧神農黃帝於書斷
自唐虞下迄殷周詩三百篇及禮樂春秋
其中山川人物政治得失無不畢備周禮

岐山縣志

敘

六官率屬分職三物六行終以考工經卽
史亦卽志也爾雅左氏公穀傳亦無不可
謂志也司馬史記建八書孟堅變而爲志
後世作史者因之而志之名以起是志固
史之一體也歷代帝王命郡邑各修志疆
域山川人物臧否彙而紀之以備輶軒采
風摭入國史故曰邑志乃史之全體也邑
志之義大矣哉岐志遠代無稽明知縣韓

廷芳創於嘉靖于邦棟續於萬厯顧其書
今皆無存

國朝順治十四年邑侯王乾隆四十四年邑
侯郭相繼踵修篇第皆八目次稍易亦云
備矣迄今厯百餘年人情風俗日相變更
兼之兵燹傷殘不堪言述莫爲表章使忠
義貞烈之氣鬱而弗伸抑亦守土者之咎
也邑侯

岐山縣志

敘

二

胡公以錦江右族灌水殊英髫年食餽壯
歲從戎採運岐邵厯有三載酬庸授職於
皇帝御極之四年來宰岐封下車伊始觀風問
俗卽有心志事適當饑饉遵諭辦賑有藉
歲行強遂會營彈壓更請額外展賑兩月
又計畝預給農種一時境內肅清塗無餓
殍田無曠土越明年時和歲豐勸捐義倉
民皆樂輸因雨衝獄牆逃逸數囚漸次捕

獲民胥大悅非深諧輿情能如是乎初岐
境南山水出斜峪關名石頭河疏渠灌田
者非一處馬磧舊堰被水衝壞膏壤石田
欲復修治窒礙實多里民公稟侯勘驗區
畫示於上流倍直售地治堰引水至下流
仍歸舊渠地直多寡計所灌之田而分償
之利於此無損於彼衆皆悅服勒石紀事
以昭永久惠無窮焉數年以來編保甲弭

岐山縣志

教

三

荏苒課農桑息訟獄繕葺

周公廟以崇典禮改建

武侯祠以昭忠貞增廓書院以培植士風

樽節差局以紓緩民力今夏山水衝田傷

人卽冒雨渡渭查視體恤實心實力修廢

舉墜教養兼施政簡刑清乃慨然曰予向

之有心志事未遑興修者今其時矣於是

山川古蹟躬親考覽正數百年沿襲之誤

湮沒之非又博訪故老遍搜遺文百餘年
事蹟歷歷在目取前志參互考訂地理七
篇因郭志纂舊增新官師人物據事直書
賢否自見殉難士女及歷舉節孝事縱莫
詳必載名氏使忠義貞烈之氣鬱而得伸
以昭當時之炯鑒樹後日之風聲其用心
深且厚矣八篇名藝文亦仍王志記序題
詠彙集本事之下取其便於披閱也走以

岐山縣志

教

四

庸劣之材猥蒙編次之任輯書將成紳民

請敘侯事列於官師侯以體例未宜

不可爰於告竣之日詳敘修志之心並敘

治岐之政見侯之施德岐人與岐人之感

德以冀侯之將來聲施爛然不惟異日修

志者敘政績於官師將

國史更列於循吏尤望繼侯宰岐者心侯之

心惠愛岐民不使岐事歷久就湮心常悵

慘如侯之今日焉不亦懿歟不亦幸歟

皆光緒十年歲次閏逢涒灘極壯月中浣

之吉

賜進士出身

欽加四品銜工部屯田清吏司主事邑人張殿

元百拜謹撰

岐山縣志

敘

五

重修岐山縣志敘

岐志之修於明代者書已無攷

國朝凡二修焉道光間邑侯劉將續之用人太

濫費鉅而事無成至今傳爲口實我邑侯

胡老夫子宰治岐疆於茲八載百廢俱舉

四民歡欣政事之暇慨然以修志爲己任

殫精竭慮閱八月而告成考據詳明體裁

嚴謹洵一邑之信史凡編次採訪校修參

岐山縣志

後敘

訂諸紳皆以廉俸供薪水不取民間一錢

說者謂鑒於劉公非也夫子蒞任以

來凡事之有利於民無不樂爲之非特修

志一端也舊志於藝文不多載觀者不無

遺憾此次博採古蹟徧搜碑文有一長可

取悉載入藝文志洋洋大觀萃於斯矣

夫子固精於文者也有真學問斯有真賞

識平時著作率皆以文言道至理最足助

人性靈至見諸石刻若戊寅賑荒記重修
新開山太白廟禹王廟周公廟獻殿改建
五丈原武侯祠並七律培修青化鎮玉皇
閣重修鳳鳴書院碑文前後諸作或蒼老
或清華讀之如韓潮蘇海令人心曠神怡
而又寓懲勸以維風化不與尋常之筆墨
同辰等請付剞劂至再至三夫子力拒
之其虛心有非他人所能及者夫文章與

政事相爲表裏他日重修邑志敘夫子
之政事必不遺有用之文章吾儕所請未
遂夫亦可以無悶矣且夫子本心得之
學以培養人材春風普被化雨均霑私淑
之懷名言奚罄姑敘修志之緣以誌嚮往
云爾

光緒十一年春王正月吉日

例授文林郎壬午舉人受業馮拱辰百拜謹撰

岐山縣志

凡例

一岐志明邑令韓君廷芳修於嘉靖己未于君邦棟續於萬
厯庚寅國朝邑令王君穀再續於順治丁酉平君世增
欲修未竟郭君履恒成於乾隆己亥顧韓志創而于多訾
議于志繼而王又更張至平郭踵修頗稱完美然反覆觀
之仍未盡善因參互考訂衷於是而不斥其非展卷閱之
新志依然舊志云

岐山縣志

凡例

一

一自乾隆己亥至此歷百餘年其間可紀之事固多况兵燹
時遭或盡節而殉難歲飢待賑或仗義而輕財皆風化所
關及今不志愈久終湮守土是邦咎將誰諉不揣庸陋勉
強續貂所望繼余宰岐者亟加斧藻幸甚

一舊志篇第條目各有異同王志第八篇本日藝文而郭志
改爲雜記仍多載文藝文藝亦時載七篇中未便披閱今
仍改雜記爲藝文七篇中所載文藝概爲檢出各於本條
下註明見藝文以昭畫一

一舊志敘事今或用原文或稍塗飾有移置新增者亦祇列
各條之內不另標目蓋作述竊比之意也

一舊志註地理引用之書說多互異今就地輿親歷考證訂
訛蓋註疏家各據所見且傳聞異詞故其書難盡信

一舊志不列名景謂其或涉傳會恐人效尤用意誠深然閱各志多有名景之目故直列八景以見地輿形勝非效顰也

一志家特詳天文五行所以重天道而昭儆戒也然災如日食祥如合璧皆關天下之大非獨係蕞爾區者故舊志載災祥於雜記今去雜記篇目即以災祥之在岐地者附紀地理篇末以天文地理一類也

一建置祠祀諸條有新設宜志者有舊設今毀而名宜存者若已毀無關緊要之坊表橋梁及寺觀未入祀典者俱應概置但寺觀民間崇奉既久姑仍其舊註明所在之處

岐山縣志

凡例

二

一田賦正供自有定額但地畝水患衝圯戶口兵燹傷殘今各就現在之數一體核實

一乾隆己亥後官師政績就父老傳聞士民祝頌畧爲表著未悉者祇存其名不敢傳會

一選舉先科後例以次類敘其宦績卓越品行端方有傳者仍載入人物篇中

一人物聖賢將相彪炳史冊固爲山川生色卽匹夫匹婦或以孤行固守或以節義自全亦必闡揚幽隱所以勵風俗也

一藝文既列專條仍於記咏之事列爲題目無論文係何體

拔其尤者以時代先後彙集其下各註姓名以昭實在至繁蕪駁雜之章概爲刪去懼贅也

一敘次乾隆己亥後事不待標目知爲新志但采訪不無佚遺品評或涉偏謬知我罪我所不敢辭

一舊志紀事或先後歧出安置或倫次失宜今敘事既以類從至安置先標總題次列題序次列事綱次列敘文總期眉目清晰展卷瞭然

一邑有志猶國有史班馬諸家尙已余才乏三長職司百里製錦當饑饉之年掌管遇逋逃之事幸疎網之不漏欣時歲之屢豐澤鴻方集屋雀仍穿庭有訟而未聞詞無源而

岐山縣志

凡例

三

何湧特以志乘之修風俗攸繫因於公事之暇文獻是徵聊草成帙就正有道云爾

岐山縣志

重修岐山縣志姓氏

重修

欽加知府銜在任候補直隸州岐山縣知縣胡昇猷

四川瀘縣人貢生

編次

賜進士出身工部屯田司主事 四品銜邑人張殿元

癸丑科進士

校閱

岐山縣教訓

諭唐執中

甯羌州城貢生

岐山縣訓導

導尙翊周

城固縣舉人

校修

原任 淳化縣教諭牛銀斗

岐山縣志

姓氏

貢生 常天鎔

貢生 梁際辰

貢生 龐啟敏

貢生 王紹祖

均邑人

參訂

庚午科 李鼎元

乙亥科 李友棠

丙子科 梁秀峯

壬午科 馮拱辰

壬午科 人閻必成

均邑人

採訪

歲貢 生蕭友蘭

拔貢 生楊映奎

拔貢 生郭崇兌

拔貢 生郭尙仁

廩生 周鳳岐

廩生 傅篤

廩生 王大謨

廩生 張清彥

候選縣丞 王翰詰

均邑人

岐山縣志

姓氏

校刊

岐山縣典史張從貴

早蘭縣監生

庠生 馮輔漢

邑人

捐貲

世襲騎都尉 尉梁奉

候選主事 宋金綸

乙酉科 郭家駒

附生 武文炳

附生 馬士倫

候選縣丞 郭崇震

候	千選	縣	丞嵇樹森
候	千選	同	知郭士毅
議	千敘	守	備王森書
武	千生	縣	高起雲
候	千選	縣	丞劉世福
貽	千謀	堂	朱允壽
理	問	銜	監
前任	吉	水	巡
舉	人	馮拱辰	
候	選	中	書宋元第
候	選	縣	丞王翰詰
乙	酉	科	副
		榜	崔濬源

岐山縣志目錄	卷之▽	地理志第一	建置志第二	祠祀志第三	卷之二	田賦志第四	官師志第五	選舉志第六	卷之三	八物志第七	卷之四	藝文志第八
--------	-----	-------	-------	-------	-----	-------	-------	-------	-----	-------	-----	-------

夫志郡邑者謨次各殊矣顧必先考其方輿而後一邑之事可次第舉也述地理第一地理既詳相度規模綱維郊邑視諸建置述建置第二建置之中崇德報功邑之大事故次三曰祠祀祠祀亦庇民也而民食爲先分田均賦富庶所關故次四曰田賦有田有賦養而教之官師任焉故官師次五教化旣成文獻聿興故選舉次六山川靈秀旣生聖賢聞風興者不皆選舉一意孤行臨難捐軀亦宜聞

揚故述次七日人物人物之盛躬行爲先誦詩讀書亦重
 文藝故以藝文終焉凡八篇

岐山縣志

目錄

二

岐山縣疆域圖

岐山縣志


圖



岐山縣志

圖

二



大正九年四月八日
 岐山縣志
 卷之二


岐山縣志

圖

三


岐山縣城圖

城圖



岐山縣志

四



岐山縣志卷之一

邑令灌江胡昇猷重修

邑人張殿元編次

地理

邑志多載天文分野於地理之先此固可畧而不書也蓋井鬼爲雍秦分野非指一邑而言卽漢晉諸書謂三輔當在柳宿之內則仍通三輔而言之究難窺一邑之宿度也故今弗深考獨詳其疆域沿革山川鄉里之分見於地理者而附以物產古蹟陵墓之屬焉

疆域

岐山縣志

卷之一 地理

一

岐地古相傳東自扶風法門鎮爲岐州美陽西至鳳翔百餘里北山一帶統云岐山東坡判鳳翔喜雨亭記雨麥於岐山之陽是已今則當官道東界扶風三十五里至扶之西界鳳翔八里有佛指溝亦曰佛至溝南界寶雞百九十里至桃川北界麟遊六十里有五里坡東南界郿縣四十里羅界東北界麟遊七十里有界石地界扶風六十里至時西界寶雞三十里有三西北界鳳翔十五里有鳳山其地岐山北拱渭水南環周原峙於東隅卷阿抱乎西鄙石樓衙嶺之山屏障於其外橫雍岐漳之水盤帶於其中兼有龍尾麻葉諸溝之險阻積石七里等原之坦平東西漫延南北橫亘實成周發祥之吉地亦歷代形勝之名區也而累

朝之沿革因可考焉

沿革

岐山自古公亶父去邢踰梁率西水許居於其下卽今之箭括山俗呼爲箭括嶺其山兩岐因名岐山山之陽有深溝溝之南平原四周故稱周原太王邑此因號國曰周而岐周之名由此遂顯迨文王治岐其地寢廣及至遷豐分岐周故地爲周召采邑

詩註疏文王作邑於豐乃分岐周之周西謂之召史記正義岐山下有周原上置周城水經注岐山之南有周城周城者周公采邑也一日太王城亦曰岐陽城水經注又云雍水東逕召亭南召康公之采邑也岐地志召亭在岐山縣西南據今縣西南景化里有召亭村

是也平王東遷以岐西賜秦襄公岐地遂爲秦有始皇併

岷山縣志

卷之一 地理

11

天下以岐爲內史地兩漢爲右扶風領縣二十二雍縣村陽美陽分屬岐之北境

通考雍縣本秦雍邑朱子詩集傳舊說扶風雍縣南有召亭今召亭

村在縣西南則雍縣當在岐風之間省志杜陽故城卽鑿遊今治按今岐陽宮地漢屬杜陽縣漢書地理志禹貢岐陽縣有周城杜預曰城在縣西北據此則括地志三故周城一言美陽城在武功縣西北二十五里卽太王城省非是蓋漢武功縣在渭水南五丈原馬家之間去太王岐陽城八九十里今武功縣在官道直東去岐陽地亦七八十里安得謂太王城卽美陽城在武功縣西北二十五里乎岐州美陽屬右扶風今扶風縣去岐陽二十餘里扶風法門鎮亦去岐陽二十餘里岐陽在其西北則美陽縣殆卽扶風法門

郿號分屬其南境

史記秦文公東獵至汧渭之會卜居營邑誌括地志

鎮之間故

郿縣故城在岐州郿縣毛萇云秦文公獵汧汧之會卜居之乃營邑焉卽此城也水經注渭水逕五丈原北又東逕郿縣故城南又東逕武功縣北按漢武功縣在五丈原東十餘里渭水逕其北又逕郿縣故城南又逕武功縣

北則郿縣故城在渭水北五丈原之東北漢武功縣之西北也史記秦武公滅小虢註括地志云故虢城在岐州陳倉縣東四十里次西十餘里又有城亦名虢城與地志云此說文王母弟釗叔所封是又西虢秦武公滅虢即此有扶說二城今廢俗呼爲扶說川明魏改右扶風爲扶風郡嘉靖四十四年以扶川入岐山

晉惠帝更名秦國而省杜陽改號爲郿城岐之舊屬號者爲郿城之東北境舊屬杜陽者爲雍之東境美陽之西境

北魏置岐州即今鳳翔府治領郡三縣八而岐地分屬於平秦郡之周城橫水郡治即在岐州北魏地志云周城太平真君六年置橫水太平真君十年分周城置周城即周原之周城橫水即小武都郡之平陽郡治即在魏史記秦富公徙陽平陽正義曰帝王世紀云秦富公都平陽按岐山縣有陽平縣內有平陽聚又史記秦武公居平陽封宮正義曰封宮在岐州平陽城內也北魏地志云平陽太平真君六年置有五丈原武帝紀平陽縣有斜谷按此則平陽城當

縣志

卷之一 地理

三

在今陽平鎮以東五丈原斜谷之北或卽爲郿縣故城與武功郡之美陽郡治卽美陽北魏地志云美陽縣漢魏以來屬扶風郡太西魏改岐州平秦郡爲岐平真君七年罷扶風郡屬武功

陽郡以橫水入雍而改平陽曰郿城即郿縣故城岐地分屬者

仍之後周割涇州鶡觚縣南界及雍之東界置三龍縣而

遂廢美陽元和志三龍縣本漢雍縣地後周武帝天和四年割涇州鶡觚縣南界置三龍縣喪字記北魏移美陽於故隴舊理建德三年省又移置周城於郿城

以岐陽周城移置郡

隋廢岐州爲扶風郡領縣九改三龍縣故城仍名周城

日岐山元和志隋開皇十六年移三龍於岐山南十里更名岐山縣考今地形容在杜城左右杜城道濟里地在岐山西南十餘里袁字當在大業九年又移於縣東北八里岐山之麓此所云縣卽移於岐山南十里更名之縣

縣東北八里岐山之

又改周城爲渭濱此卽移於郿城之周城而又改爲渭 觀則卽岐陽宮也

岐山縣志

卷之一

13

漢縣 尋復爲郿而仍有岐之南境隋書地理志郿有五丈原通考郿有石原皆在岐也唐武德初移縣治於龍尾坡唐武德中移縣治於龍尾坡城在坡東北五里蓋從岐陽移之也三年析岐山置漳川縣漳水在縣南也貞觀七年析岐山及京兆之上宜置岐陽縣八年

省上宜入岐陽又移岐陽於蒲泉西南十里即今縣治縣治東北約十里有村日蒲村蓋即蒲泉地也而岐陽故縣遂廢爲鎮至德中仍

名岐山縣隸關內道鳳翔府五代俱仍之宋屬秦鳳路鳳翔府扶風郡金屬鳳翔路鳳翔府元隸陝西行中書省鳳翔府明亦屬鳳翔府隸陝西布政司編戶三十一里後省

鳳鳴桃原二里爲二十九里嘉靖四十四年增桃川里共

岐山縣志

卷之一 地理 四

三十里

國朝因之此歷代沿革之大凡與山川古蹟互見者也

山川

岐山

岐境南北皆山而縣以岐山命名故序次先北山北山惟岐爲一邑宗主其山即今之箭括嶺在周原岐陽宮西北

國語載鷩鷩鳴於岐山蓋渾言在岐山之地非專指此山也故欲知岐山之所在當以箭括嶺爲正至他山則由東

及西以次誌焉

箭括山

即岐山顏師古漢書注岐山在美陽即今之岐州岐山縣

箭括嶺也又云其山兩岐俗呼爲箭括嶺一說金將沒立

攻此吳玠遣兵擊敗之非是考通鑑綱目玠自富平沒立自鳳翔烏魯折合自階成出散關約日會和尚原金將魯折合先期至陣北山索戰玠命諸將堅陣待之更戰迭

休金人大敗過去沒立方攻箭括嶺玠復遣將擊破之兩軍終不得合據此則當時鳳翔以東俱爲金有岐之箭括

山非所攻之地也且和尚原在今寶雞西南五十里大散關之東所謂兩軍終不得合者俱就鳳翔以西而言必非

岐山境地又考通鑑綱目後梁末帝貞明六年蜀遣兵侵岐注云蜀遣王宗壽將兵伐岐攻隴州岐王自將屯開陽

蜀將陳彥威敗岐兵於箭括嶺則箭括無疑在開陽之地集覽亦謂即當時之箭括谷今開陽志載箭括箭括在縣南

十里可資戰守與通鑑合即金將沒立所攻之地惟明一統志誤指爲岐之箭括山不察箭字於箭括之義爲近與

括字義別且岐之箭括山舊無置關之說故訂而正之

龍泉山

在箭括嶺東山有九泉曰龍泉因以名山有寺曰龍泉寺

遇旱禱雨輒應隋時更名鳳泉寺寺有仁壽元年舍利碑書法極佳其東麓曰山底村接扶風界

岐山縣志 卷之一 地理 五

三龍山

在箭括嶺西後周以名縣俗名梁山坡邑境本無梁山或

云梁山在縣東北六十里即太王遷岐所踰蓋因梁山坡俗名而誤也今考地形在仁岐通濟二里之間土人居此

者以良善坡名村良善梁山其音相近誤以良善坡爲梁山坡而即以梁山坡誤爲太王之所踰按邠在岐之東北